

# TUSI TAIALA

---

**MO LE PULEA MA LE VA'AIA LELEI O I'A MA FIGOTA**

---

**O LE AFIO'AGA O**

**LEPA**

**Aso 25 Mati. 2002**

**SAUNIA:**

Pule mamalu a Alii ma Faipule ma tagatanuu o le Afioga o Lepa, ma le Lagolagosua a le Vaega o Faigafaiva o le Matagaluega o Faatoaga ma Faigafaiva.

<b>1</b>	<b>Faatomuaga</b>	
<b>2</b>	<b>Faamatalaga e uiga i le Afio'aga</b>	
	<b>2.1</b> Faamatalaga o foliga va'aia faanatura o le Afio'aga	
	<b>2.2</b> Faigafaiva a le Afio'aga	
<b>3</b>	<b>Tulafono i Aso ua mavae ma Aso nei</b>	
	<b>3.1</b> Aotelega o Tulafono o le Siosiomaga o le Gataifale ma Faigafaiva i aso ua mavae Ma ona po nei	
<b>4</b>	<b>O lenei Fuafuaga Tatau</b>	
	<b>4.1</b> Autu	
	<b>4.2</b> Tapenaga	
<b>5</b>	<b>Fuafuaga Faataatitia a le Afio'aga</b>	
	<b>5.1</b> Ina ia faamalositia tulafono faale-nuu e faasaina ai auala o faigafaiva le talafeagai e Pi o fanai'a, ava niukini ma vailaau oona	
	<b>5.2</b> Ia faasaina tu'iga ma faamo'a	
	<b>5.3</b> Ia faasaina ona toe lafoa'i lapisi i le sami	
	<b>5.4</b> Ia faasaina upega ma tili matanini'i	
	<b>5.5</b> Ia faasaina faigafaiva mai isi afio'aga	
	<b>5.6</b> Ia faasaina le so'ona fagotaina o i'a ma figota laiti	
	<b>5.7</b> Ia taofia le taina o laau i autafa o vaitafe	
	<b>5.8</b> Ia faasaina lama moliuila ma mea manava (fagu'ea)	
	<b>5.9</b> Ia faasaina ma faateleina amu	
	<b>5.10</b> Ia faasalalauina tulafono a le afio'aga	
	<b>5.11</b> Ia aoina ma faatama'ia alamea	
	<b>5.12</b> Ia iloiloaina le tulaga talafeagai o le faasaina o se vaega o le gataifale o le afioaga	
	<b>5.13</b> Ia iloiloaina le tulaga talafeagai ma le lelei o le gataifale mo le tufaina atu ma le Faa-faatoagaina o nisi o i'a ma figota	
	<b>5.14</b> Ia faaaogaina le Mana o Talosaga	
<b>6</b>	<b>Talosaga</b>	
	<b>6.1</b> Talosaga a le Afio'aga	
<b>7</b>	<b>Toe iloiloaina o lenei Fuafuaga Tatau</b>	

**Faalupega o**  
**LEPA I LOTOFAGA**

Afio Faaolotoi ma Ma'opū Taulagi ma  
Alalamalae  
Alata'i Tama Punefu faapea le Matua ma le  
Faletua ma Salefao

# 1 FAATOMUAGA

O lenei fuafuaga o le Pulega o le Siosiomaga o le Gataifale ma le Va'aia Lelei o i'a ma figota na saunia e le Pule Mamalu a Alii ma Faipule ma tagata o le afio'aga o Lepa faatasi ai ma le fesoasoani lagolago a le Vaega o Faigafaiva, o le Matagaluega o Faatoaga ma Faigafaiva.

## 2 FAAMATALAGA E UIGA I LE AFIO'AGA

### 2.1 Faamatalaga o foliga va'aia faanatura o le Afio'aga FAALAUATELE

<u>Faamatalaga</u>	<u>Aofa'iga</u>
O le faitau aofa'i o tagata e pāpā'a'ao i lenei alalafaga	600 - 700
O le aofa'i o ao'ga i totonu o lenei afioaga : Aoga Tulagalua 1 : Aoga Faaitumalo 1	2
O le aofai o falesa i totonu o le afioaga : Ekalesia EFKS	1
O le umi o le a'au o le afio'aga (mita)	400 mita
O le mamao o le aau mai le matafaga (mita)	100 mita
O le loloto o vaega e aupito sili ona loloto o le aloalo pe a pe le tai i le taimi nei	2 mita
O le loloto o vaega e aupito sili ona loloto o le aloalo pe a pe le ta'i a'o le'i afaina i afa	10 mita

### FAIGAFAlVA

<u>Faamatalaga</u>	<u>Aofa'iga</u>
O le faitau aofai o tane faifaiva e fagogota i le sili atu ma le tasi le aso i le vaiaso	>5
O le faitau aofai o tina faifaiva e fagogota i le sili atu ma le tasi le aso i le vaiaso	>5
O le aofai o tagata e fagogota i tua'au mai le tasi le aso i le Vaiaso	>5
O le aofaiga o paopao e faaaogaina mo faigafaiva i totonu o le afioaga nei	Leai
O le aofaiga o alia fagota o loo faaaoga mo faigafaiva a le afioaga nei	Leai
E faatagaina ni tagata fagogota mai isi afioaga e fagogota i lo outou gatafale?	Leai

## 2.2 Faigafaiva a le Afio'aga

<u>Ituaiga I'a ma Figota</u>	<u>Ituaiga Faigafaiva</u>	<u>Taimi faaalua mo le tasi tau'ua/ 10 i'a/ ofu (Hrs)</u>	
		<u>Taimi nei</u>	<u>10 Tausaga ua te'a</u>
<i>I'a maua soo se (5) :</i>			
1. Poge	matatao / lama	2 itula	1 itula
2. Gatala	seuseu	2 itula	1 itula
3. Malauli	ofe / seuseu	2 itula	1 itula
4. Ulutu'i	seuseu	2 itula	1 itula
5. Fuga	mata	2 itula	1 itula
<i>Figota maua soo se (3) :</i>			
1. Alili	lama	2 itula	1 itula
2. Aliao	lama	2 itula	1 itula
3. Patupztu	lama	2 itula	1 itula

<u>Isi Faigafaiva</u>	<u>Isi Taumafa o le Sami</u>	<u>Taimi faaalua mo le 10 mea ua ta'ua</u>
1. Afaafaloloa	mama'o	2 itula
2. Seuseu	filoa	2 itula
3. Afa tatao	mu	2 itula
4. Tili	'aūa	2 itula
5. Toso	loli	2 itula

### VAEGA TAUA O LE SIOSIOMAGA O LE GATAIFALE

<u>VAEGA</u>	<u>VAEGA TAUA (SIKUEA MITA)</u>	
	<u>Taimi Nei</u>	<u>Sefulu Tausaga ua te'a</u>
Amu	feololo	tele
Vaovao o le sami	tele	leai

## 3 TULAFONO I ASO UA MAVAE MA ASO NEI (Siosiomaga o le Gataifale ma Faigafaiva)

### 3.1 Aotelega o Tulafono o le Siosiomaga o le Gataifale ma Faigafaiva i aso ua mavae ma ona po nei

#### TULAFONO A LE AFIOAGA O LEPA I ASO UA MAVAE

O le faasaina o faigafaiva le talafeagai:

- Fanaia
- Ava niukini
- Vailaau oona

O nei tulafono sa faasalalauina i le leitio (2AP)

O nei tulafono o loo faamamaluina ma amana'iaina e pei ona sa i ai i le taimi muamua faatoa faamamaluina ai i totonu o le afio'aga o Lepa. Ae peitai e le o mamalu i nei vaitaimi ona o le amanaiaina e isi tagata o le afio'aga atoa ai ma isi afio'aga, o nei tulafono.

O nisi o mafua'aga e pei ona tā'ua e aofia ai:

- Leai o se lagolago mai le Malo
- O nisi o tagata o loo mafaufau mo le taimi nei ae le o mafaufau i le taimi o i luma faapea foi le lumanai o tupulaga.

O nei mafua'aga uma o loo aafia i le Fuafuaga mo le Pulega o le Siosiomaga o le Gataifale ma le Va'aia Lelei o I'a ma Figota.

E le gafatia na o le malosi faaetulafono a le Malo ona malu puipuia ai le siosiomaga o le gataifaie ma ona tamaoaiga. E utiuti tulaga tau tupe ma to'agaogao foi le aufaigaluega a le Malo latou te faamallosia ma unaia tulafono tau faigafaiva i nuu taitasi o Samoa. O le fofō talafeagai o loo i aao lava o le pule a Alii ma Faipule o loo soifua ma alaala i le afio'aga. O lenei tali o le a le pine ona unaia tagata latou te galulue faatasi ina ia malupuipuia ma faaleleia le siosiomaga o le gataifale ma ona tamaoaiga mo nei ma tupulaga o le lumanai.

## 4 O LENEI FUAFUAGA TATAU

### 4.1 Autu

O lenei fuafuaga ua ta'ua ai ni faatinoga e manaomia ina ia maua ai sona taunuuga maumaututū. O le faamoemoe maualuga o le Malo ina ia faaleleia le soifua manuia o tagata o le afio'aga, ma ia faatupulaia atili mea taumafa mai le sami. O lea e manaomia ai tagata uma ina ia avea nei faatinoga e puipuia ai le siosiomaga o le gataifale ma ia fuafua tatau ai le fagotaina o i'a ma figota. O nei fuafuaga na faaalua e le Komiti Faufautua o le Va'aia Lelei o i'a ma figota (KFVL) i le afio'aga e avea ma autu.

**"Ina ia puipuia le siosiomaga o le gataifale ma le toe faatupulaia o i'a ma figota mo tupulaga o le lumanai"**

Ua ioeina e le fonotaga a le Komiti Faufautua mo le Va'aia Lelei o i'a ma figota (KFVL) i le Aso 12 Mati 2002, o le Komiti (KFVL) lava lenei latou te faamallosia ma unaia vaega eseese uma o le afio'aga auā le puipuia ma le faasaoina o atinae ma alamanuia o le gataifale o Lepa. O lenei foi Komiti o loo nafa ma le tapenaga o tulafono aemaise o vaega uma e tatau mo le fuafuaga tatau. O le tele foi o lenei tapenaga o le a tuuina atu i le pule mamalu a Alii ma Faipuie mo le pasiaina. O lenei fuafuaga ua faamoemoe ina ia o'o atu i le tolu tausaga o loo fa'aaogaina pea ae peitai afai ae iai se suiga, ua ao loa ona toe su'esu'eina lenei fuafuaga.

### 4.2 Tapenaga

O lenei tapenaga sa saunia lava e Alii & Faipule ma tagata o le afio'aga o Lepa, faatasi ai ma ni fautuaga ma le lagolagosua a le Ofisa o Faigafaiva o le Matagaluega o Faatoaga ma Faigafaiva. O se ootoga lenei o le tapenaga o le Pulega o le Siosiomaga o le Gataifale ma le Va'aia Lelei o i'a ma figota.

**Feiloaiga Muamua:** O lenei feiloaiga sa faafesootaia lea e le Vaega o Faigafaiva i le Aso 23 Oketopa 2001. O le masina o Novema i lona Aso 5, sa tauaofia ai le uluai fono a sui o le Ofisa ma le Afio'aga mo le faamalamalamaina ma le taliaina o lenei polokalame.

**Vaevaeina i Vaega:** O vaega sa vaevaeina iai e aofia ai Matai, Aumaga ma le Komiti a Tina ma Tamaitai. Sa feiloai nei vaega e tolu ma sui o le Ofisa o Faigafaiva ma faatalatalanoaina ai faafitauli o le gataifale o loo alia'e i le afio'aga atoa ai ma ni fofō talafeagai e faaono foia ai nei faafitauli.

**Sui auai o le Afio'aga i le uluai fono**

<b>Vaega Matai:</b>	Malielegaoi Iakopo Afutele Pele Saisola Faimasasa Faigaumu Lauina Siokame Pouniu	Faleauto Kainano Niumata Pele Soliola Lokeni Aumua Toese Uta'ulu Feleti Nonumaimauga Faaleleiga	Ofagamalefā Ueli Poalaga Iosefa Palea Agavau Saunoagamalii Siaosi Galu Siaosi
<b>Vaega Tina:</b>	Afioga Kainano Sarai Fa	Apaau Siokame Upuese Saisola Moana Afutele	Leomele Nonu Litia Malielegaoi
<b>Vaega Aumaga:</b>	Filo Afutele Peti Olamoe Tolovae Poalaga Laumua Faleauto Filemoni Aumua Pamata Auelua Situa	Tauga Aumua Tupe Fereti Tua Fa Filipou Malielegaoi Lupi Auelua Lauina Saisola	Anuulagi Fatialofa Vaa Malielegaoi Ma'a Faleauto Meleke Poalaga Lole Faateia Alatasi Seuai

**Komiti Faufautua mo le Va'aia Lelei o i'a ma figota (KFVL):** I lenei Komiti o loo aofia ai sui sa filifilia mai i vaega taitasi latou te molia finagalo fa'aalia o vaega esese i le fono a le Komiti. O le Komiti la lenei sa latou tuufaatasia faamaumauga ma faamatalaga mai i nei vaega taitasi ma sa mafai ai ona latou tapenaina se ata faataitai o le Pulega o le Siosiomaga o le Gataifale ma le Va'aia Lelei o i'a ma figota. O lenei fuafuaga o loo aafia ai lagona o tagata o le afio'aga i le puleaina o Faigafaiva ma le siosiomaga o le gataifale.

**Sui o le Komiti mo le Va'aia Lelei o I'a ma Figota**

<b>Komiti Matai:</b>	Malielegaoi Iakopo Mapu Nofu Utalu Moleli	Afoa Tauese Palea Suavi Nonumaimauga Faaleleiga	Tautai Alaovae Saunoagamalii Siaosi
<b>Komiti Tina:</b>	Sene Palea	Moana Afutele	Sarai Fa
<b>Komiti Aumaga:</b>	Tolovae Poalaga Tanielu Aiavao Alesana Anoi	Pamata Fiu Toafa Saumalu Peti Tainano Alatasi Lavenia	Laaui Niumata Faasua Manuele Mose Niumata

**Tauaofiaga o le Fono Tele:** O le a tauaofia lenei Fono i le Aso 25 o Mati 2002, mo le taliaina, fautuaina ma le faalauiloaina o lenei Tusi Taiala mo le Pulega o le Siosiomaga o le Gataifale ma le Va'aia Lelei o i'a ma figota.

## **5 FUAFUAGA FAATAATITIA A LE AFIO'AGA**

O fuafuaga faataatitia O ni gaiouga ua faamoemoe e faaono foia ai faafitauli ua faaalii ma faailoa mai e vaega eseese O le afio'aga. E lua (2) ituaiga o fuafuaga faataatitia ua fuafuaina ma o le fuafuaga ua aupito sili ona tāua,

**1. O fuafuaga faataatitia lea ua faaagaga mo nuu po'o afio'aga**

**2. O fuafuaga faataatitia ua faamoemoe lea mo le Ofisa o Faigafaiva ma o lenei fuafuaga o le a tuuina atu ai fautuaga ma fesoasoani auā le tapenaina o le faamoemoe e pei ona fuafuaina.**

O gaiouga uma lava ua faamoemoe e faatino ai fuafuaga faataatitia mo le Ofisa o Faigafaiva e ao ona faamaonia e le Faatonu Lagolago o Faigafaiva, a le Matagaluega o Faatoaga ma Faigafaiva ma le Va'aitau. O nei fuafuaga faataatitia uma ua faamoemoe lo latou faataunuuna i le lagolagosua mai o le afio'aga ma ona tagatanuu. O fuafuaga faataatitia uma o le a leai se aafiaga tuusao a le Ofisa o Faigafaiva, ua iai le faamoemoe o le a faaauau pea ona tuuina atu ni fesoasoani i le afio'aga e ala atu i pepa o faamatalaga atoa ai ma le faia o ni tautalaga i vaega eseese e pei o aoga ma faalapopotoga faa-le-Ekalesia.

### **5.1 Ina ia faamalosi tulafono faale-nuu e faasaina ai auala faigafaiva le talafeagai e pei o fanai'a, ava niukini ma vailaau oona**

#### **Otootoga**

O nisi o auala tau faigafaiva ua mautinoa lo latou tulaga ogaoga i le faatamaiaina o le alititai (amu) ma le tele o meaola o le gataifale, ma o se faataitaiga o nei ituaiga o faigafaiva le talafeagai e pei o vaila'au ta-lavalava, ava niukini, ma fanai'a. Ua le gata ina faatama'ia ai se vaega tele o le alititai (amu), ae ua faapena foi ona faaumiumi ai se taimi e taumafai ai ona toe faatupuina le tele o meaola o le gataifale ua aafia ma mamate i nei ituaiga o auala faafaigafaiva. A faaleagaina le alititai, o lona uiga o le a leai ni i'a ma ni figota e toe maua ai.

#### **Fuafuaga Faataatitia a le Afio'aga**

Talu ai ona o le tulaga pagatia ua iai le gataifale o lenei nuu o Lepa, o lea ua a'e ai se finagalo autasi i le komiti ua filifilia ina ia toe faamalosi tulafono a le afio'aga sa faia i aso ua mavae e faasaina ai faigafaiva le talafeagai, e pei o fanai'a, ava niukini ma vailaau oona. O le puipuiga ma le faamamaluina o nei tulafono o le a i aao lava o le Pule Mamalu a Alii ma Faipule faatasi ai ma le lagolagosua a tagata nuu o le afio'aga.

#### **Fautuaga**

Ia toe faamalosi ma faamamaluina tulafono ua ta'ua i lalo a le afio'aga mo le faasaina o faigafaiva le talafeagai.

#### **Tulafono**

"Mo le mamalu o le atunuu, atoa ai ma tagatanuu o Lepa, Ua matua faasaina lava faigafaiva le talafeagai e pei o fanai'a, ava niukini, ma vailaau oona ona toe faatinoina i gataifale o Lepa e



amata mai i le tuaoi i Sasae seia oo atu i le tuaoi i Sisifo o le afio'aga"

### **Faasalaga**

Mo tagata o le afio'aga e solia leni tulafono, o le a faasalaina i le manu papalagi.

O tagata mai isi afio'aga, o le a molia sa'o i le Tulafono Faatonutonu o Faigafaiva a Samoa.

### **Taimi Fautuaina**

Ina ia aloa'ia le faamamaluina ma le faamalosia o nei tulafono pe a mavae le Fono tele e pasia ai le Pulega o le Siosiomaga o le Gataifale ma le Va'aia Lelei o i'a ma figota i le Aso 25 o Mati 2002.

### **Fuafuaga Faataatitia a le Ofisa o Faigafaiva**

O le a fesoasoani le Ofisa o Faigafaiva mo le faatinoina o fuafuaga faataatitia a le afio'aga e ala atu i lana polokalame fesoasoani mo aooga tau faigafaiva.

## **5.2 Ia faasaina tu'iga ma faamo'a**

### **Otootoga**

Ua maitauina o se tasi leni o ituaiga faigafaiva le talafeagai sa matua faaleagaina ai amu aemaise o i'a ma figota laiti i aso ua mavae, e ui lava e le o toe faatinoina i leni vaitau. Peitai e iai le talitonuga, afai ae toe faaauuina nei ituaiga faigafaiva, o le a sili atu ona tele se afaina o amu o loo fai ma ofaga o i'a ma figota o le gataifale

### **Fuafuaga Faataatitia a le Afio'aga**

Na faalia e vaega taitasi o le afio'aga le tataua ona toe faamautuina le tulafono e faasaina ai tu'iga ma faamo'a i gataifale o Lepa, aua sa mautinoa le matua faaleagaina ai o amu faapea isi meaola nini'i o le gataifale i aso ua tuanai. Ua matua lagolagoina e le Komiti (KFVL) leni manatu ma ua tuufaatasia ai loa leni fuafuaga i le tulafono mo faigafaiva le talafeagai e pei ona ta'ua i luga, ma le faasalaga o loo taina ai mo soo se tasi o le a ia toe faia leni faigafaiva o le tu'iga ma le faamo'a.

### **Tulafono**

"Ua matua faasaina lava ni faigafaiva e iai tuiga ma faamo'a ona toe faatinoina i gataifale o leni afioaga o Lepa"

### **Faasalaga**

Soo se tagata o le afio'aga na te solia leni tulafono, o le a faasalaina i le manu papalagi. O tagata mai isi afio'aga, o le a molia sa'o i le tulafono Faatonutonu o Faigafaiva a le Malo.

### **Fuafuaga Faataatitia a le Ofisa o Faigafaiva**

O le a fesoasoani mai le Ofisa i le faamautuina ma le faamalosia o leni tulafono. E lagolagoina foi e le Ofisa soo se fuafuaga a le afio'aga ua talafeagai lelei ma le tulafono faa-le-malo mo le puipuia lelei o le gataifale ma le siosiomaga.

## **5.3 Ia faasaina ona toe lafoai lapisi i le sami**

### **Otootoga**

O le lafoai o otaota i le sami ma matafaga e faapogai ai le avea ma nofoaga e faatupuina ai namu, faamanualia pe lavevea ai aao mai atigi apa ma atigi fagu ae faapena foi ona avea ma nofoaga o le puna'aga o faamai, ma avea ai o se nofoaga e le talafeagai mo meaola o le gataifale. O le foia o nei faafitauli o le atofaina lea o se nofoaga e lafoina uma ai otaota o le nuu atoa. E mafai ona lafoaina otaota i se lua ma ufiufi malu lelei aua le saogalemu mai faamai ma siama feaveai. Talu ai e mafai ona tafe ma ulu atu le oona o otaota, lapisi ma vailaau e lafoaina i le lua, o lea e fautuaina ai le eliina o nei lua i nofoaga tau mamao ese mai puna-vai ma le sami.

### **Fuafuaga Faataatia a le Afio'aga**

Ua maea ona saunia e aiga taitasi ni fata mo le aoina o lapisi. Ua lagolagoina foi e le afio'aga le fuafuaga a le Malo mo le aoina o lapisi. O le aoina o lapisi ma otaota ua malu puipuia lelei e Alii ma Faipule ma ua lagolagoina foi e tagatanuu o Lepa

#### **Tulafono**

"Ua matua faasaina ona toe lafoai lapisi e iai pepa iila, atigifagu, atigiapa ma isi lava ituaiga i gataifale o Lepa"

#### **Faasalaga**

Mo tagata o le afio'aga e solia lenei tulafono, o le a faasalaina i le manu papalagi. O tagata mai isi afio'aga, o le a molia sa'o i le tulafono Faatonutonu o Faigafaiva a le Malo.

#### **Fuafuaga Faataatia a le Ofisa o Faigafaiva**

O faamatalaga eseese e faatatau i aafiaga o le siosiomaga o le gataifale ma ona tamaoaiga o le a fesoasoani atu ai le Ofisa o Faigafaiva e a'otauina ai le afio'aga i le taua o le teu maluina o lapisi ma otaota i nofoaga talafeagai.

### **5.4 Ia faasaina upega ma tili mata-ninii**

#### **Otootoga**

O le fa'aaogaina o upega ma tili mataninii ua maitauina le tele o i'a laiti ua faatamaia ai. Ua iai le talitonuga o le a oo atu i se tulaga faaletonu i'a maua, pe a faaauauina pea le faaaogaina o nei ituaiga faigafaiva. O le a oo ina faaitiitia i'a e mafai ona oo atu lo latou lapopoa e maua ai le avanoa e fanafanau ma tautuufua ai.

#### **Fuafuaga Faataatia a le Afio'aga**

Ua faailoa mai e le Komiti (KFVL) o le faaaogaina o upega ma tili matanini'i, o se tasi lea o mafua'aga ua faaitiitia ai i'a maua i le gataifale. O lea ua aiaia ai loa se tulafono ina ia faasaina ai upega ma tili mataninii ona toe faaaogaina i fagotaga i le gataifale o le afio'aga. Ua faapea foi ona faaalua mai e le afio'aga lo latou matua lagolagoina o le tulafono o Faigafaiva a le Malo ua iai nei mo le faatapulaaina o mataupega ma tili.

#### **Tulafono**

"Ua matua faasaina lava ona toe fagotaina upega tatao e i lalo ifo o le 2 inisi (50 mm) ona mataupega, faapea foi ma tili ia le i lalo ifo o le 1.2 inisi (30 mm) i gataifale o Lepa"

#### **Faasalaga**

Soo se tagata o le afio'aga e solia lenei tulafono, o le a faasalaina i le manu papalagi. Mo tagata mai isi afio'aga, o le a molia sa'o i le tulafono Faatonutonu o Faigafaiva a le Malo

#### **Fuafuaga Faataatia a le Ofisa o Faigafaiva**

O se lagolagosua mai le Ofisa o Faigafaiva e ala i lana Polokalame Fesoasoani o le tuuina atu o faamatalaga e saga faamautuina ma faamaopoopoina ai lenei tulafono.

### **5.5 Ia faasaina faigafaiva mai isi afio'aga**

#### **Otootoga**

O fagotaga mai isi afio'aga e faaogaina ai faigafaiva e le talafeagai, e iai ava niukini, fanaia, vailaau o'ona, faamo'a ma tu'iga, ua mautinoa le matua faaleagaina ai o le gataifale

#### **Fuafuaga Faataatia a le Afio'aga**

Ua faaalua mai e le Komiti (KFVL) le tatau ona faia o se tulafono e faasa ai nei faigafaiva e pei o le faaaogaina o faigafaiva le talafeagai, lama moli-uila ma mea manava. O le autu moni o lenei tulafono ona o nisi o tagata mai isi afio'aga o loo latou aumaia nei faigafaiva ma faatinoina i lo latou gataifale ma faatama'ia ai.

#### **Tulafono-:**

"Ua matua faasaina lava tagata mai isi afio'aga ona toe fagotaina gataifale o le Lepa, e faaaogaina ai faigafaiva le talafeagai e pei o fanai'a, ava niu kini, vailaau oona, ma isi lava ituaiga o faigafaiva"

#### **Faasalaga**

O tagata o le afio'aga e auala mai ai faigafaiva o le a faatinoina i gataifale o le afio'aga, o le a faasalaina i le manu papalagi.

o tagata mai isi afio'aga o le a le utagia lenei tulafono, o le a molia sa'o i le tulafono Faatonutonu o Faigafaiva a le Malo

#### **Fuafuaga Faataatitia a le Ofisa o Faigafaiva**

O le a fesoasoani mai le Ofisa i le faamalosia ma le faamautuina o lenei tulafono.

### **5.6 Ia faasaina ona toe fagotaina mai i'a ma figota laiti**

#### **Oototoga**

O le fuafua tatau o le fagotaina mai o i'a ma figota, o se itu lelei tele ma talafeagai lea mo le faasoina ma le toe faatupulaia o meaola o le gataifale. O lenei fuafuaga o le a mafai ona maua ai le avanoa e i'a ma figota la'iti e tutupu ma fanafanau ai, i le uluai taimi ao lei aveeseina pe fagotaina mai foi. Afai e fagotaina mai se ia poo se figota ae lei o'o i le lapoa (matua) e fanafanau ai, o lona uiga ua leai sona sao mo le isi augatupulaga e sosoo ai. Afai la o le a faaauau ai pea lea tulaga, o lona uiga, o le a saga faaititia pea le faitauaofai o i'a ma figota ma faasolo lava ina mou malie ese atu.

#### **Fuafuaga Faataatitia a le Afio'aga**

Ua faaalua e le Komiti (KFVL) lo latou lagolagoina o le Tulafono o Faigafaiva ua pasiaina nei o loo aiaia ai fua faatapulaa o le laiti o i'a ma figota e tatau ona fagotaina. Na ta'ua foi o le faamalosia o lenei tulafono, o le a iai pea lea i le pule mamalu a Alii ma Faipule faapea le susuga a le Pulenuu ma le Komiti. Ua lagolagoina foi e le afio'aga le Pepa o Faamatalaga o loo faaalua ai fua faatapula'a o le laiti o i'a ma figota e fai ma taiala

#### **Tulafono**

"Ua matua faasaina ona totoo fagotaina i'a ma figota laiti mai le gataifale o Lepa, e pei ona faaalua i le Tulafono Faatonutonu o Faigafaiva a le Malo"

#### **Faasalaga**

Mo tagata o le afio'aga e solia lenei tulafono, o le a faasalaina i le manu papalagi.

Mo tagata mai isi afio'aga o le a molia sa'o i le tulafono Faatonutonu o Faigafaiva a le Malo

#### **Fuafuaga Faataatitia a le Ofisa o Faigafaiva**

O le a fesoasoani atu pea le Ofisa i le faamautuina o lenei tulafono ma tufaina atu pepa o faamatalaga o nei tulafono ma faamalamalama atili mo le silafia e le mamalu o le atunuu

### **5.7 Ia faasa ona taina i lalo laau i autafa o vaitafe**

#### **Oototoga**

O le taina i lalo o laau i autafa o vaitafe, ua avea lea ma faapogai o le palapala tafia mai uta ma agai atu i le sami. O nei palapala o loo filogia mai faatasi ma nisi o (fetilaisa) poo faalelei eleele o loo faaaogaina e faifaatoaga mo a latou faatoaga. E mafai e nei palapala ona faatupuina mai le limu ua tele ina faaleagaina ai le tele o meaola o loo ola i le sami. Ua le gata i i'a ma figota ae ua faapena foi ona faaititia ai amu i le gataifale.

#### **Fuafuaga Faataatitia a le Afio'aga**

Ua faaalua mai e le Komiti faufautua mo le vaaia lelei o i'a ma figota, o se tasi lenei o mafua'aga ua ala ai ona faaititia i'a ma figota. O le manatu o le komiti ua tatau ona faia i ai se fuafuaga a le

afio'aga ae lei o'o ina faateleina ma avea o se tulaga e le mafai ona faia iai se fofu. O lea ua matua fautuaina ai e le Komiti tagata o le afio'aga o Lepa ina ia taofia loa ma faasaina lenei fuafuaga o le taina i lalo o laau i le vaomatua.

#### **Tulafono**

"Ua matua faasaina lava ona toe taina i lalo laau i tafatafa o vaitafe o lenei afio'aga o Lepa"

#### **Faasalaga**

Soo se tagata o le afio'aga na te solia lenei tulafono o le a faasalaina i le manu papalagi, ao tagata mai isi afio'aga, o le a molia sa'o i le tulafono Faatonutonu o Faigafaiva a le Malo

#### **Fuafuaga Faataatitia a le Ofisa o Faigafaiva**

O le a mafai ona faia pea ni tautalaga ma ni polokalame faa-le-aoaoga ina ia faamalamalamaina atili ai tulaga uma e ono foia ai le faafitauli ua taua i luga.

### **5.8 Ia faasa le faaaogaina o mea-manava (fagu'ea) ma moli uila i faigafaiva i po**

#### **Otootoga**

O le faaaogaina o moliuila ma mea-manava i faigafaiva, ua molimauina le tele o i'a ma figota e mafai ona fagotaina mai ai. Ua iai le talitonuga o le a o'o atu i se tulaga faaletonu i'a ma figota maua i le gataifale, pe a faaauauina pea ona faaogaina nei ituaiga o mea fagota. O le a o'o ai ina faaititiia i'a ma figota e mafai ona o'o atu lo latou lapopoa e maua ai le avanoa e tautuufua ma fanafanau ai.

#### **Fuafuaga Faataatitia a le Afio'aga.**

Ua fautuaina e Alii ma Faipule atoa ai ma aumaga o le afio'aga le taofia ma faasaina loa le faaaogaina o moli uila i faigafaiva (lama). Sa iloiloaina e le Komiti (KFVL) ia lenei fautuaga ma fautuaina loa le Fono ina ia faavaeina se tulafono e faasaina ai le toe faaaogaina o moli uila ma mea manava i faigafaiva. Na faaalua e le Komiti le faaaogaina e le tele o tagata o moli uila i fagotaga i po i gataifale o le afio'aga.

#### **Fautuaga**

Ia aloaia ma faamalosi loa lenei tulafono e faasaina ai le faaaogaina moli uila ma mea manava i faigafaiva.

#### **Tulafono**

"Ua matua faasaina lava ona toe faaaogaina e se tasi, se moli uila ma mea manava (fagu'ea) mo fagotaga i po i gataifale o Lepa"

#### **Faasalaga**

O tagata o le afio'aga e maua ua ia faaaogaina moli uila, mamea manava (fagu'ea) o le a faasalaina i le manu papalagi. O tagata mai isi afio'aga, o le a molia sa'o lava i le tulafono Faatonutonu o Faigafaiva a le Malo

#### **Fuafuaga Faataatitia a le Ofisa o Faigafaiva**

O le a fesoasoani mai le Ofisa e auala lea i le auina mai o ni faamatalaga mo le silafia o le Afio'aga e uiga i lenei mataupu

### **5.9 Ia faasaoina ma faateleina amu**

#### **Otootoga**

O le puipuia ma le faasaoina o amu, o se tasi lea o auala ua mafai ona toe tutupu ma ola ai amu. O le faateleina o amu, o se itu lelei lea mo i'a ma figota aemaise meaola ninii o le gataifale o loo faalagolago mo meaai ma o latou nofoaga. O le faia o se ogasami faasaoina ma le taofia o faigafaiva le talafeagai o nisi ia o fuafuaga tatau ma le talafeagai mo le faateleina o amu.

### **Fuafuaga Faataatitia a le Afio'aga**

Ua faaalua e le Komiti, o le faia o se ogasami faasaoina se auala lea ua mautinoa ua mafai ona faasao ma faateleina ai amu. O lenei faasao o le a faatinoina e le Komiti faapea ai ma le Pule mamalu a Alii ma Faipule. O le vaaia lelei ma le mataituina o lenei faasao o le a feagai lea ma tagatanuu o le afio'aga.

### **Fuafuaga Faataatitia a le Ofisa o Faigafaiva**

O le a fesoasoani le Ofisa i le faamalamalamaina o itu lelei o le faasaoina o amu ma tufaina atu foi ni pepa o faamatalaga e faalauiloa atili ai lenei mataupu.

## **5.10 Ia faasalalauina Tulafono a le Afio'aga**

### **Otootoga**

O faasalalauina i leitiu, televise ma nusipepa, o nisi ia o auala talafeagai lelei e momoli atu ai ni feau taua aemaise ai o le faalauteleina o ni fuafuaga ua saunia. E le gata i lea, o le a silafia ai e le mamalu o le atunuu, malamalama ma manino lelei i le aotelega o le faatauaina, ma le malu puipua o le siosiomaga o le gataifale o le afio'aga.

### **Fuafuaga Faataatitia a le Afio'aga**

Ua fautuaina e le Komiti (KFVL) le faasaialauina o tulafono a le afio'aga ua faamoemoe ma faaagaga mo le puipua o le siosiomaga o le gataifale ma ona tamaoiga. O le Komiti (KFVL) o le a latou faamaopopoina aemaise le tapenaina o faasalalauina e faatatau i tulafono e puipua ai le siosiomaga o le gataifale ma le va'aia lelei o i'a ma figota.

**Autu o le Faasalalauina : "Puipua o le Gataifale o Lepa"**

### **Fuafuaga Faataatitia a le Ofisa o Faigafaiva**

O tulafono uma a le afio'aga mo le puipua o le gataifale e tatau ona sainia e le Faatonusili o le Matagaluega o Faatoaga ma Faigafaiva, ina ia avea ai ma tulafono laiti o Faigafaiva a le Malo (By-laws).

## **5.11 Ia aoina mai i uta alamea ma faatama'ia ai**

### **Otootoga**

O le alamea o se meaola o le ituiga o le aveau ma e nofo i luga o le a'au. O lenei meaola e na te 'aina meaola ninii ua taua o polipe o loo tutupu mai ai amu. A oo ina faateleina lenei meaola o le a faapena ona latou faatama'iaina se vaega tele o le a'au ma avea ai o se tulaga pagatia o le a feagai ma le tele o meaola o loo faalagolago i le aau mo nofoaga ma mea'ai. E le mafai ona faaumatia pe tapeina le alamea i le vaevaeina o lona tino aua e mafai e nei itu tino ona faatupuina mai ai nisi alamea fou. Se'ia vagana lava ua aumaia i uta i le pa'umatu e faamagoina ai pe tanuina foi.

### **Fuafuaga Faataatitia a le Afio'aga**

Ua faailoa mai e le Afio'aga o le alamea o se tasi lea o faafitauli o loo iai i e gataifale. E le gata i le faatama'iaina ai o amu ae aafia ai foi le soifua o tagata faifaiva, ma ua tuuina atu faafautuaga e le Komiti Faufautua mo le Va'aia Lelei o I'a ma Figota (KFVL), ia fautuaga e pei ona taua.

### **Fautuaga**

Ua fautuaina e le Komiti (KFVL) le mamalu o le autautai o le afio'aga ina 'ia aoina i uta alamea ma faalalā i le pau'mātū pe tanumia foi, pe a va'aia i taimi o fagotaga. E mafai foi ona avea o se faalelei eleele i togalaau a tina ma tamaitai.

### **Fuafuaga Faataatitia a le Ofisa o Faigafaiva**

E leai se polokalame a le Malo ua fuafuaina e totogi ai le faatama'iaina o le alamea vagana ai ni fautuaga e fesoasoani atu ai le Ofisa o Faigafaiva i auala talafeagai e tineia ai lenei meaola

faalafua e ala atu i Pepa o faamatalaga ua maea ona saunia.

## **5.12 Ia iloilo ina le tulaga talafeagai o le faasaoina o se vaega o le gataifale o le afio'aga**

### **Otootoga**

O se vaega o le gataifale ua faasaoina e tataua ona le toe aafia i ni faigafaiva. O le avea o se vaega o le gataifale ma vaega faasao, e ao ona aafia ai le malu puipuia o le siosiomaga ma ona tamaoaiga i figota ma i'a. O lenei vaega faasao o le a faasaoina ai amu, a'au, figota faapea foi ma i'a ina ia mafai ona maua e nei meaola le avanoa e tautuufua ma fanafanau ai. O le autu taua lava, o le a avea lenei faasao ma puna'aga o i'a ma figota e mafai ai ona toe faaleleia nisi vaega o le gataifale ua afaina. O le a fanafanau ma tautuufua i'a ma figota o loo aumau i le vaega faasaoina ma tafea atu o latou fua fanau ma faatupuina ai nisi meaola fou i nofoaga ua le maua ai ni i'a ma figota. o le a le pine ona manuia ai i tatou ae faapea foi tupulaga o le lumanai.

### **Tulafono**

"Ua matua faasaina lava soo se tagata ona faatinoina soo se ituaiga o faiva i totonu o le nofoaga ua faasaoina mo i'a ma figota ua faailogaina. Ua faasaina foi ni taelega, uia, pe kolosiina foi e se vaa-fagota le nofoaga faasao o i'a ma figota o Lepa"

### **Faasalaga**

O tagata o le afio'aga o le a faasalaina i le manu papalagi, pe afai o le a solia lenei tulafono. Ao tagata mai isi afio'aga o le a molia sa'o i le tulafono Faatonutonu o Faigafaiva a le Malo.

### **Fuafuaga Faataatitia a le Afio'aga**

*O le afio'aga e ao ona :*

- Galulue faatasi ma lagolagosua i le aufaigaluega a le Ofisa o Faigafaiva i le faatinoina o le iloilo o le tulaga talafeagai o se vaega o lona gataifale, e avea ma vaega faasaoina.
- Talanoaina ma auiliilina le lipoti ma ia faia se faaiuga i le faavaeina o le vaega faasaoina

*Afai ae finagalo le Fono i se tasi, poo fuafuaga uma ua taua.*

- Ia faatinoina loa fuafuaga mo le faavaeina o le vaega faasao e pei o le mataituina, tausiga ma le va'aia lelei o se vaega ua atofaina.

### **Fuafuaga Faataatitia a le Ofisa o Faigafaiva**

*O le Ofisa o Faigafaiva o le a:*

- Faatinoina le iloilo o le tulaga o se vaega o le gataifale e avea ma vaega faasaoina.
- Saunia le lipoti mo le tuuina aloaia atu i le Komiti o le Pulega o faigafaiva ma le Fono.

Afai ae finagalo le Fono i se tasi, poo fuafuaga uma ua taua:

- Pe a tusa ai, o le a tuuina atu ni fautuaga ma ni faamatalaga mo le tausiga, pulea ma le vaaia o le vaega faasaoina o le gataifale o le afio'aga.

## **5.13 Ia iloilo ina le tulaga talafeagai ma le lelei o le gataifale ma le vai o le afio'aga, mo le tufaina atu ma le faafaatoagaina o i'a ma figota**

### **Otootoga**

O le tufaina atu ua faatatau lea i le aumaia o ni figota po'o ni i'a mai se isi atunuu ma tufa atu e faaola i se ogasami poo vai ua talafeagai. O le faafaatoagaina ua faatatau lea i le faaolaina o figota ma i'a i se nofoaga ua saunia. O le tufaina atu ma faafaatoagaina o figota ma i'a o nisi nei o atina'e mo le faatupuina o figota ma i'a auā mea taumafa mo le afio'aga. O nei auala faa-atina'e e moomia ai lava le galulue filiga ma le faamaoni o le afio'aga ina ia ausia se taunuuga lelei

**Faamatalaga Faaopopo – Tufaina atu o figota.**

O le tufaina atu ua faatatau lea i le aumaia o ni figota po'o se ituaiga o figota mai se isi atunuu e faaolaina i se ogasami ua talafeagai lelei. O le tufaina o le figota o le aliao i le tele o atunuu o le Pasefika, ua mautinoa ai le tele o ni faamanuiaga na mafai ona seleseleina e nei atunuu. I Fiti, na mafai ona toomaga iai tagata i le aano o le aliao e avea ma mea taumafa. O lona atigi na mafai ona faatauina atu e gaosi ai faamau o ofu i fale gaosi mea I le Atu Kuki, e tusa ma le 280 aliao na tufaina atu iai ma na mafai ona maua mai ai se aofaiga e tusa ma le 200 tone o atigi aliao i le tausaga na faatauina ai i fale gaosi faamau. I le 1990 na tufaina atu ai i sami o le motu o Namua i Aleipata le 40 aliao, ma e le o mai iloa tonu le tulaga ua oo iai nei aliao.

I le tele o vaega o le aloalo ma le aau o Samoa i Sisifo, o loo maua ai figota e pei o le pae, asi ma le tugane. O nei figota ua mautinoa lo latou faaitiitia talu ai o le fagotaina e tagata mo mea taumafa, ae sa faapena foi ona faatama'iaina o latou nofoaga, ua le toe maua ai ni figota. Pau le faamoemoe o le aumaia lea o ni figota mai nisi atunuu ma tufaina atu i ai aua le faaolaina i nei vaega o le gataifale.

### **Fuafuaga Faataatitia a le Afio'aga**

E ao i le Afio'aga ona:

- Galulue faatasi ma le aufaigaluega a le Ofisa o Faigafaiva i le faatinoga o le iloiloga, pe talafeagai ma lelei le gataifale i le tufaina atu ma le faafaatoagaina o figota.
- Auiliiliina o le lipoti i suesuega o le talafeagai o le gataifale ma ia faia se faaiuga i le faatinoina o nei atinae i totonu o Solosolo.
- Galulue faatasi mo le puipuia o nei atinae ma le va'aia o tagata o loo latou faatamaia ma solia tulafono e faatatau i nei atinae.

### **Fuafuaga Faataatitia a le Ofisa o Faigafaiva.**

O le a o'o atu se alii ofisa mai le vaega suesue, ma suesueina le gataifale o le afio'aga, ina ia faamaonia le talafeagai mo le faaolaina ai o nisi o figota. O le a mafai ona tuuina atu ni figota pe afai o le a faamaonia le talafeagai o nei nofoaga mo ia atinae.

*Pe a faataunuuina leni fuafuaga, o le a:*

- Fesoasoani mai le Ofisa e ala lea i le va'aia ma le mata'ituina o le sologa lelei o le tuputupu a'e o figota ua atina'eina.
- Saunia ni aoaoga mo le faamalamalamaina o olaga faanatura o nei figota.

### **Fuafuaga Faataatitia a le Ofisa o Faigafaiva**

O le a mafai ona tuuina atu ni fesoasoani mai le ofisa mo le mamalu o le aufailotu e ala i pepa o faamatalaga ma tautalaga ina ia fesoasoani i le tapenaina o a latou lauga ma aoaoga mo le puipuia ma le faasaoina o le siosiomaga o le gataifale ma ona tamaoaiga.

## **5.14 Ia faaogaina le Mana o Talosaga**

### **Otootoga**

O talosaga ma talitonuga tuufaatasi faale-lotu, o se tasi lea o faamoemoega ua talitonuina lona taua auā le puipuia ma le faasaogalemuina o le siosiomaga o le gataifale ma ona tamaoaiga.

### **Fuafuaga faataatitia a le Afio'aga**

O le sao taua o le aufailotu, o le una'ia lea ma faamalosi'au i tagatanuu ina ia latou faatauina le puipuia ma le faasaoina o le siosiomaga o le gataifale ma ona tamaoaiga. O se sao taua tele le tuufaatasia o finagalo o tagata ina ia galulue faatasi ina ia foia faafitauli o loo alia'e mai i le siosiomaga o le gataifale ma ona tamaoaiga. Ua lagolagoina foi e le Komiti (KFVL) leni fautuaga ma fautuaina ai le galulue faatasi o le aufailotu ma le mamalu o le afioaga ina ia faia ni

talosaga e talosia ai le puipuiga o le siosiomaga o le gataifale.

### **Fuafuaga faataatitia a le Ofisa o Faigafaiva**

O le a mafai ona tuuina atu ni fesoasoani mai le Ofisa mo le mamalu o le aufailotu e ala i pepa o faamatalaga ma tautalaga ina ia fesoasoani i le tapenaina o a latou lauga ma a'oa'oga mo le puipuia ma le faasaoina o le siosiomaga o le gataifale ma ona tamaoaiga.

## **6 TALOSAGA**

### **6.1 Talosaga a le Afio'aga**

O nei talosaga sa mafai ona tuuina mai e sui o le afio'aga sa auai i fonotaga ma le Ofisa o Faigafaiva i taimi o faatalatalanoaga i vaega e tolu. O talosaga uma foi la ua tuuina mai sa faamautuina e le Komiti (KFVL) i le latou fonotaga ma le Ofisa. Pe a talafeagai, o nei talosaga o le a mafai ona iloiloaina e le Ofisa o Faigafaiva mo le faataunuaina pe a maea le taliaina o lenei tusi e le Pule Mamalu a Alii ma Faipule i le Fono tele e faia i le Aso 25 o Mati 2002. O talosaga uma sa tuuina mai o loo faailoa atu i lalo:

- Ogasami Faasao mo I'a ma Figota
- Faisua
- Tilapia
- Nisi figota
- Aoaoga tau faigafaiva

## **7 TOE ILOILOINA O LENEI FUAFUAGA TATAU**

### **Otootoga**

O le toe iloiloaina o le Fuafuaga Tatau o le Vaai Lelei o i'a ma figota o le afio'aga mo lona agai i luma atoa ma lona toe suesueina ina ia faailoa ai le taua ma le aoga o lenei polokalame i totonu o nuu ma afio'aga, aemaise se auiliiliga maumaututū i le tulai mai o galuega fai a le afio'aga ma le Ofisa o Faigafaiva i le faataunuaina o Fuafuaga Faataatitia e pei ona taua i luga. O lenei foi iloiloga e lipotia ai le alualu lelei ma ni faaletonu i totonu o le Polokalame talu ona faavaeina i totonu o afio'aga.

### **Fuafuaga Faataatitia a le Afio'aga ma le Ofisa o Faigafaiva**

Ua iai le maliliega a le Komiti (KFVL) a Lepa ma le Ofisa o Faigafaiva o le a toe auiliiliina lenei Fuafuaga Tatau pe a mae'a le ono (6) masina talu ona pasia lenei tusi i le Fono tele i le Aso 25 o Mati, 2002. O le a toe feutagai ai le Komiti ma le Ofisa o Faigafaiva i se aso o le a atofaina pe a atoa le 6 masina.